



Republika e Kosovës
Republika Kosovo / Republic of Kosovo



Komuna e Rahovecit
Opština Orahovac / Municipality Rahovec

Drejtoria për Bujqësi, Pylltari dhe Zhvillim Rural



REPUBLIKA E KOSOVËS
REPUBLIKA KOSOVA



KOMUNA E RAHOVECIT - OPŠTINA ORAHOVAC
Drejtoria për Administratë të përgjithshme
Odeljenje za Opštu Upravu

-III- Nr. I prot. 33 Më 05.01 2023
Br. prot. RAHOVAC ORAHOVAC

RAPORTI VJETOR

2022



Përmbajtja

DREJTORIA PËR BUJQËSI, PYLLTARI DHE ZHVILLIM RURAL	3
Aktivitetet kryesore në periudhën: janar-dhjetor 2022	3
Gjashtëmujori i parë: Janar-Qershor	4
Aktivitetet kryesore	4
Pagesat Direkte – Subvencionet	6
PROJEKTET E INVESTIMEVE KAPITALE	9
Mekanizëm Bujqësor	9
Ndërtimi dhe Mirëmbajtja e Rrugëve Fushore	10
Ndërtimi i Kanaleve të Kullimit të Tokave Bujqësore	11
Punët e planifikuara dhe të realizuara në gjashtëmujorin e parë	12
Gjashtëmujori i dytë: Korrik-Dhjetor 2022	13
Mekanizëm Bujqësor	14
HardhFest 2022	15
Dëmet nga fatkeqësitë natyrore	16
Depo Bujqësore	17
Vizitat në Ferma	18
Projektet Kapitale	18
Rregullimi dhe mirëmbajtja e rrugëve fushore	18
Kanalet e kullimit të tokave bujqësore	19
Punët e planifikuara dhe të realizuara në gjashtëmujorin e dytë	20
Përfundim	21

DREJTORIA PËR BUJQËSI, PYLLTARI DHE ZHVILLIM RURAL

Bujqësia, Pylltaria dhe Zhvillimi Rural janë sektorët kryesor të cilët mund të kontribuojnë dukshëm në zhvillimin e përgjithshëm ekonomik të vendit.

Komuna e Rahovecit përmes politikave dhe strategjive zhvillimore është orientuar në mbështetje të faktorëve të prodhimit, në stimulimin e fermerëve dhe në krijimin e një ambienti sa më të favorshëm zhvillimor. Këto politika dhe strategji janë duke krijuar mundësi që të arrihet një zhvillim i qëndrueshëm dhe një shfrytëzim shumë më efikas i resurseve natyrore të cilat i posedon komuna jonë.

Fillimi i vitit është karakterizuar me përpilimin e planit të punës për vitin 2022, plani i hartuar është mjaft ambicioz i cili ka ngërthyer në vete aktivitete të shumta në kuadër të drejtorisë së bujqësisë. Në kuadër të këtij plani është bërë edhe planifikimi i aktiviteteve, i ndarë në periudha tremujore.

Aktivitetet kryesore në periudhën: janar-dhjetor

Periudha janar-dhjetor është një periudhë që përfshin shumë aktivitete të DBPZHR-së, e këtu janë të përmendura disa nga aktivitetet kryesore:

- *Pranimi i aplikacioneve për subvencionim të qumështit për gjashtëmujorin e dytë të vitit 2021 dhe gjashtëmujorin e parë 2022.*
- *Përgatitjet rreth funksionalizimit të zyrave në dy qendrat më të mëdha të komunës sonë për aplikim të fermerëve, atë në Ratkoc dhe Krushë e Madhe.*
- *Planin Zhvillimor Komunal 2022 – 2029.*
- *Planin e Vlerësimit të Rrezikut.*
- *Takim me fermerë për sigurimet bujqësore për produktet e perimekulturës, vreshtarisë, pemëtarisë.*
- *Aplikimi për Pagesat direkte-subvencionet.*
- *Përcjellja e projekteve kapitale.*
- *Shpërndarje të Mekanizmave Bujqësor.*
- *Korrje-Shirjet*
- *Festa e vjeljes së rrushit - Hardhfest*
- *Dëmet nga fatkeqësitë natyrore*
- *Ndërtimi i objektit - Depo Bujqësore*
- *Vizitat në ferma blegtorale etj.*

Gjashtëmujori i parë: janar-qershor

Aktivitetet kryesore

Në kuadër të drejtorisë së BPZHR-së, nga janari janë realizuar një mori aktivitete. Ndër më kryesoret do të paraqiten të specifikuara sipas kohës në të cilën kanë ndodhur.

- Ashtu siç e kemi paraparë me planin vjetor të punës, pranimi i aplikacioneve për subvencionim të qumështit për gjashtëmujorin e dytë të vitit 2021 për fermerët blegtor (MBPZHR), hap thirrjen për aplikim, Drejtoria e BPZHR-së pranon aplikacionet dhe të njëjtat i dorëzon në Ministri për pagesë. Kjo thirrje ka qenë e hapur nga: 21 janar deri më 11 shkurt 2022. Në këtë periudhë gjithsej kanë aplikuar 81 fermer me sasi totale të qumështit të dorëzuar 1,9 milion litra.
- Kemi mbajtur kontakte të vazhdueshme me zyrtarët e AZHB-së lidhur me aplikacionet dhe plotësimin e tyre për aplikimet e vitit 2021. Shumë fermer kanë pasur probleme me llogari bankare ku është kërkuar nga ne që të i ndryshojmë në menyrë që të realizojnë pagesat e tyre.



- Sikurse vitin e kaluar, kemi kryer të gjitha përgatitjet rreth funksionalizimit të zyrave në dy qendrat më të mëdha të komunës sonë për aplikim të fermerëve, atë në Ratkoc dhe Krushë e Madhe. Me kohë jemi pajisur me qasjet e nevojshme në të gjithë softverët që janë të lidhur me plotësim të dokumenteve që kërkohen nga MBPZHR. E gjithë kjo me të vetmin qëllim për të ju lehtësuar fermerëve të komunës sonë këtë proces.
- Duke u bazuar në kërkesat e fermerëve për marrje të tokave bujqësore me qera për qëllime bujqësore, kërkesat e fermerëve janë proceduar në Kuvend të Komunës për të marrë aprovim që këto parcela të jepen në shfrytëzim e që më pastaj të shpallim Ankandë Publik duke respektuar të gjitha procedurat sipas ligjit për dhënie të tokave bujqësore komunale me qera.
- Gjatë muajit Shkurt kemi shqyrtuar Planin Zhvillimor Komunal 2022 - 2030, ku në kuadër të drejtorisë së Bujqësisë, Pylltarisë dhe Zhvillimit Rural kemi plotësuar komentet shtesë të cilat kanë qenë të nevojshme nga ana statistikore në të gjithë sektorët.

- Gjithashtu së bashku me zyrtarët e DBPZHR kemi shqyrtuar Planin e Vlerësimit të Rrezikut për komunën e Rahovecit ku kemi plotësuar parametrat e caktuara në kuadër të drejtorisë për Bujqësi, Pylltari dhe Zhvillim Rural, si dhe përgatitjen e skenarëve të mundshëm si fatkeqësitë nga zjarri dhe fatkeqësitë natyrore nga breshëri, vërshimet e faktor të tjerë.
- Gjatë muajit Shkurt poashtu kemi zhvilluar takime të ndryshme të organizuar nga MBPZHR në lidhje me Pagesat Direkte – Subvencionet, takime për skemën e granteve, takime me Entin e Vreshtarise.
- Gjatë periudhës janar-qershor 2022, në kuadër të drejtorisë së BPZHR-së kemi shqyrtuar kërkesat e qytetarëve për dhënien e pëlqimit apo ndërrimin e destinimit të tokës bujqësore në tokë ndërtimore, për qëllime bujqësore.
- Në muajin mars kemi zhvilluar takim me përfaqësuesit e IFC –së anëtare e grupit të Bankës Botërore, ku pjesë e këtij takimi ishte diskutimi dhe informimi për sigurimet bujqësore për produktet e perimekulturës, vreshtarisë, pemëtarisë. Takimi është mbajtur në sallën e kuvendit ku pjesëmarrës ishin dhjetra fermer të interesuar për të siguruar produktet bujqësore.



Fotografi të bujqëve në sesionin informues nga përfaqësuesit e IFC-së dhe Ministrisë së BPZHR-së rreth sigurimeve bujqësore

Në këtë takim komuna e Rahovecit, mori përsipër të mbulojë 15% të primit të sigurimit të produkteve bujqësore.

- Aktivitete të tjera të cilat e karakterizojnë DBPZHR-në janë: pranim dhe përgjigje ndaj kërkesave të ndryshme nga qytetarët, shërbimet e tjera si: vërtetim përprodhues bujqësorë, NIF, ndërrim i destinimit të tokës bujqësore, vlerësim të dëmeve të shkaktuara në sektorin e bujqësisë, si dhe barazimi mujor i të hyrave me Drejtorinë e Financave për muajt janar, shkurt dhe mars etj.

Pagesat Direkte – Subvencionet

Pas hapjes së thirrjes për aplikim nga ana e MBPZHR-së, jemi mobilizuar me kapacitete të plota, si me staf poashtu edhe me mjete logjistike duke e ditur se komuna jonë ka numrin më të madh në nivel vendi (rreth 3,000).

Prandaj jemi angazhuar ashtu sikurse edhe vitet e kaluara që fermerët e disa vendbanimeve të mos krijojnë fluks të madh në zyrat e DBPZHR-së në Rahovec, por aplikimin të kenë mundësi ta kryejnë edhe në dy qendra, Krushë e Madhe dhe Ratkoc.

Numri total i fermerëve që kanë aplikuar për vitin 2022 është **2,978**, ku krahasuar me vitin 2021 kemi 71 aplikacione më shumë.

Pas përfundimit të procesit të aplikimit, zyrtarët e angazhuar e kanë bërë kontrollimin e secilës dosje dhe të njejtat janë dorëzuar në AZHB (Agjencioni për Zhvillimin e Bujqësisë).


Sikurse në vitet e kaluara pas përfundimit të procesit dhe dorëzimit të aplikacioneve në AZHB, në kuadër të drejtorisë së Bujqësisë bëhet regjistrimi i të dhënave të fermerëve që kanë aplikuar për secilën kulturë bujqësore. Këto të dhëna mëpastaj përlllogariten, analizohen dhe krahasohen me vitet paraprake.

Në tabelat dhe grafikonet më poshtë janë paraqitur të dhënat sipas sektorëve të shprehura në sipërfaqe (ha) si dhe në vlera monetare (€) që nënkupton se komuna e Rahovecit do të përfitoj mbi 5,4 milion euro në vitin 2022.

Tabela 1. Të dhënat e sektorëve të shprehura në sipërfaqe sipas viteve


VITET			2020	2021	2022	Diferenca
Sektorët	Lloji	Nj. Matëse				
Sektori i Lavertarise	Drittherat	ha	3,586.00	2,019.81	3,711.24	1,691.43
	Grurë - KG	kg	0.00	3,585,232.00	0.00	N/A
Sektori i Vreshtarisë	Rrush	ha	2,406.61	2,342.53	2,322.21	-20.32
	Verë	Litrë	5,577,789.96	8,689,227.29	7,274,876.45	-1,414,350.84
	Fidane të hardhisë	copë	148,000.00	248,000.00	149,900.00	-98,100.00
Sektori i Perimkulturës	Perime	ha	1,438.64	1,113.94	1,213.94	100.00
	Kungullore	ha	600.50	457.85	579.58	121.73
Sektori i Pemtarisë			95.92	130.28	165.23	34.95
Sektori i Blegtorisë dhe shpezëtarisë	Bletë	koshere	6,802.00	5,577.00	4,245.00	-1,332.00
	Lopë	krerë	2,598.00	2,335.00	1,938.00	-397.00
	Dhi	krerë	834.00	864.00	248.00	-616.00
	Dele	krerë	8,886.00	8,142.00	7,226.00	-916.00
	Pula vojëse	copë	74,300.00	43,360.00	59,100.00	15,740.00
Bimë Mjekësore dhe Aromatike	BMA	ha	14.84	14.52	16.51	1.99
Perime ne Serra	Perime te ndryshme	ha	16.50	18.70	24.26	5.56

Vlera në € e përfituar ndër vite



Grafiku 1. Përfitimi i fermerëve të komunës për vitet 2020, 2021 dhe 2022

Nga të dhënat e kësaj table mund të vërejmë një rritje të sipërfaqeve në sektorin e lavërtarisë ku krahasuar me vitin 2021 kemi rreth 1600 ha më shumë sipërfaqe të mbjellura (viti 2021: 2,019.81 ha kurse viti 2022: 3711.24 ha), ku konkretisht ndryshimi më i madh është te kultura e grurit (viti 2021: 1,041 ha kurse në vitin 2022: 2,006.11 ha).



Rritje në deklarim kemi edhe te pulat vojse, ku krahasuar me vitin e kaluar këtë vit kemi për 15,740 më shumë.

Për dallim nga sektori i lavërtarisë që kishte ndryshim pozitiv me vitin e kaluar, sektori i blegtorisë, shpezëtarisë dhe bletarisë ka pësuar rënie në numër si psh: këtë vit kemi për 1,362 më pak koshere të bletëve. Poashtu rënie vërehet edhe te lopët qumështore, delet dhe dhitë.

SEKTORI I BLEGTORISË



Tabela 2. Të dhënat e shprehura në vlera monetare (€)

VITET		2020	2021	2022	Diferenca
Sektorët		Vlera në €	Vlera në €	Vlera në €	Vlera në €
Sektori i Lavërtarisë	Drithërat	537,900.00 €	224,847.00 €	1,255,391.96 €	1,030,544.96 €
	Grurë - KG	0.00 €	0.00 €	0.00 €	0.00 €
Sektori i Vreshtarisë	Rrush	2,406,610.00 €	1,952,118.00 €	2,447,609.34 €	495,491.34 €
	Verë	223,111.60 €	347,569.09 €	290,995.06 €	-56,574.03 €
	Fidane të hardhisë	14,800.00 €	24,800.00 €	22,485.00 €	-2,315.00 €
Sektori i Perimkulturës	Perime	431,592.00 €	445,576.00 €	689,203.76 €	243,627.76 €
	Kungullore	180,150.00 €	183,140.00 €	210,956.32 €	27,816.32 €
Sektori i Pëmtarisë		38,368.00 €	52,112.00 €	74,353.50 €	22,241.50 €
Sektori i Blegtorisë dhe shpezëtarisë	Bletë	102,030.00 €	83,655.00 €	84,900.00 €	1,245.00 €
	Lopë	233,820.00 €	198,475.00 €	174,420.00 €	-24,055.00 €
	Dhi	16,680.00 €	17,280.00 €	6,200.00 €	-11,080.00 €
	Dele	177,720.00 €	162,840.00 €	180,650.00 €	17,810.00 €
	Pula	37,150.00 €	21,680.00 €	27,339.66 €	5,659.66 €
Bimë Mjekësore dhe Aromatike - BMA		7,420.00 €	6,534.00 €	7,429.50 €	895.50 €
Perime ne Serra		7,420.00 €	7,260.00 €	21,931.04 €	14,671.04 €
Gjithsej		4,407,351.60 €	3,720,626.09 €	5,423,440.68 €	1,765,979.05 €

Të dhënat e kësaj table tregojnë për vlerën monetare që fermerët e komunës sonë do të marrin nga programi i pagesave direkte për vitin 2022.

Për dallim nga viti i kaluar këtë vit pritet që të kemi rritje të shumës së përgjithshme prej 1,765,979€. Sektori që ka ndikuar në këtë rritje është në sektorin e lavëtarisë ku krahasuar me vitin e kaluar këtë vit fermerët kultivues të drithërave do të përfitojnë mbi 1,000,000€ më shumë e poashtu edhe sektori i vreshtarisë do të ketë rritje rreth 500,000€.

Diferencën negative mund ta vërejmë te sektori i verëtarisë, ku krahasuar me vitin e kaluar vertarët e Rahovecit do të përfitojnë 56,574€ më pak. Përfundimisht nuk bënë edhe sektori i blegtorisë ku duke u bazuar në këtë tabelë vërejmë vlerat negative.

PROJEKTET E INVESTIMEVE KAPITALE

Në kuadër të programit për zhvillimin e bujqësisë në komunën e Rahovecit janë duke u zbatuar një numër i konsiderueshëm i projekteve kapitale që kanë ndikim në përmirësimin e kushteve të bujqëve si në infrastrukturë publike (Kanale të Kullimit, Rrugë fushore etj) dhe në përkrahje direkte për bujq (Mekanizëm Bujqësor, ndërtimi i serrave, ndërtimi i komoreve).

Mekanizëm Bujqësor

Komuna e Rahovecit si Autoritet Kontraktues me datë: 22.03.2022 ka nënshkruar kontratat me OE të ndarë në LOT-e, në Tenderët për furnizim me Mekanizëm Bujqësor në Komunën e Rahovecit.

Nga data 30.03.2022 kemi filluar të nënshkruajmë kontratat me secilin fermer përfitues, pasi që ai paraprakisht e ka kryer edhe pjesën e pagesës prej 20% të vlerës së pajisjes. Fillimisht janë kryer participimet e fermerëve përfitues nga viti 2020.

Me datë 07.04.2022 kemi filluar me shpërndarjen e pajisjeve bujqësore te fermerët përfitues varësisht se si Operatorët Ekonomik po arrijnë ta furnizojnë komunën e Rahovecit.

Tabela 3. Llojet dhe data e pajisjeve bujqësore të shpërndara te fermerët

Data e	Përshkrimi i mekanizmit përfitues	Numri i fermerëve
06.04.2022	Motokultivator	291
22.04.2022	Mbjellëse e misrit pneumatike	10
	Pllugë 775	7
	Motokultivator	20
16.06.2022	Centrifugë për mjaltë	22
	Shkrirëse dylli me avull	16
Gjithësej		366

Foto gjatë shpërndarjes së pajisjeve bujqësore



Ndërtimi dhe Mirëmbajtja e Rrugëve Fushore

Në projektin për rregullimin dhe mirëmbajtjen e rrugëve fushore, është duke u punuar në LOT 2 në vendbanimet Kramovik, Dobidol, Çifllak, Bratotinë, Vrajakë. Në Lot 4 kemi intervenuar në disa pozicione nëpër vendbanime të komunës sonë si në Senoc, Krushë e Madhe, Rahovec, ndërsa Lot 1 dhe Lot 3 nuk janë zhvilluar punime si rezultat i rritjes së çmimeve nga fillimi i këtij viti.



Ndërtimi i Kanaleve të Kullimit të Tokave Bujqësore

Projekti i "Kanalet e Kullimit të Tokave Bujqësore" poashtu përshkak të kushteve klimatike jo të përshtatshme nuk është punuar, pasi që në këtë periudhë të vitit prurjet e ujit janë shumë të mëdha dhe implementimi i këtyre projekteve është i vështir. Gjatë muajit qershor kanë rifilluar punimet në ndërtimin e kanalit të kullimit të tokave bujqësore nga Shtavica deri në Fortesë si dhe në projektin e Kanalit të kullimit në fshatin Ratkoc.



Jemi në pritje të pëlqimit nga Ministria e Infrastrukturës për lejin e ndërhyrjes në rrugën magjistrale R- 111 Xërxë-Kramovik, konkretisht në fshatin Çifllak pasi që paraprakisht kemi paraqitur kërkesën në këtë Ministri.

Punët e planifikuara dhe të realizuara në gjashtëmujorin e parë

Plani i punës 2022	Punët e realizuara
Thirrja për aplikim për subvencione për qumësht/litër sipas kategorive të cilësisë për gjashtëmujorin e dytë 2021	Thirrja për aplikim ka qenë e hapur nga: 21 janar deri më 11 shkurt 2022. Në këtë periudhë gjithsej kanë aplikuar 81 fermer me sasi totale të qumështit të dorëzuar 1,9 milion litra.
Përfundimi me sukses i fazës së aplikimit për subvencione në kuadër të MBPZHR-së	Është realizuar me sukses aplikimi i fermerëve për subvencione për vitin 2022. Numri total i fermerëve që kanë aplikuar për vitin 2022 është 2,978.
Përcjellja e projekteve kapitale si: rregullimi i rrugëve fushore, ndërtimi i kanaleve të kullimit dhe dranazhimit të tokave bujqësore, ndërtimi i serave	Në gjashtë mujorin e parë është bërë përcjellja e projekteve si: rregullimi i rrugëve fushore: është punuar në LOT 2 në vendbanimet Kramovik, Dobidol, Çifllak, Bratotinë, Vrajkë, Në Lot 4 është intervenuar në disa pozicione nëpër vendbanime të komunës sonë si në Senoc, Krushë e Madhe, Rahovec
Shpërndarjen e mekanizmave bujqësor	Ky plan është realizuar duke filluar nga muaji mars të paisjeve të vitit 2020, dhe 2021, ku gjithsej janë shpërndarë rreth 365 lloje të ndryshme të mekanizmave bujqësorë
Thirrje nga komuna për përkrahje të fermerëve me grande.	Kemi publikuar listat e përfituesve të mekanizmave dhe kemi bërë shpërndarje.

Gjashtëmujori i dytë: Korrik-Dhjetor 2022

Në kuadër të drejtorisë së BPZHR-së, nga korriku deri në dhjetor janë realizuar një mori aktivitete. Ndër më kryesoret do të paraqiten të specifikuar sipas kohës në të cilën kanë ndodhur.

- Kemi formuar shtabin për korrje-shirje 2022. Ky komision kishte për detyrë të përcjell procesin e korrje-shirjeve, koordinimin me pronarët e autokombajnave, si dhe raportimin në baza javore mbi ecurinë e kësaj fushate. Poashtu është hartuar raport përfundimtar i cili është dorëzuar në MBPZHR.
- Në kuadrë të programit të pagesave direkte, kemi pranuar dëshminë e sasisë së kilogramëve të grurit të dorëzuar në Qendrat Grumbulluese dhe Silose. Këto dëshmi janë dorëzuar në Ministrinë e BPZHR-së për Subvencionim me 0,03€/kg. Afati për pranim të këtyre dëshmime ka qenë deri më 2 shtator.
- Në datën 20 korrik është hapur thirrja për aplikim për subvencione për qumësht/litër sipas kategorive të cilësisë, therrjet e raportuara të gjedhit, viçat për majmëri dhe akuakulturë për gjashtëmujorin e parë 2022. Thirrja ka qenë e hapur deri më 19 gusht 2022. Ku gjatë kësaj periudhe janë kryer aplikimet e fermerëve të komunës sonë. Fermer aplikues janë 91, prej tyre 82 fermer blegtor për litrazhë të qumështit me gjithsej 2,149,382 litra dhe 20 fermer aplikues për viça me gjithsej 362 krerë.
- Gjatë muajit korrik është mbajtur sesion informues në skemën e granteve, takimi është mbajtur në sallën e kuvendit ku janë prezentuar masat 1, 3 dhe 7, për fermerët që kishin interesim të aplikojnë
- Kemi mbajtur kontakte të vazhdueshme me zyrtarët e AZHB-së lidhur me aplikacionet dhe plotësimin e tyre për aplikimet e vitit 2022. Vazhdimisht kemi pranuar lista të fermerëve që nevojitet plotësim në kontrollin administrativë. Zyrtarët e bujqësisë i kanë kontaktuar fermerët, i kanë plotësuar dokumentet dhe të njëjtat i kanë dorëzuar në Ministri.
- Fillimi i muajit shtator është karakterizuar me dorëzimin e dëshmime të sasisë së grurit të dorëzuar në silose dhe qendra grumbulluese pasi që afati i fundit për aplikim ka qenë deri më 2 shtator.
- Gjatë muajit nëntor është hapur thirrja për shpërndarje të subvencioneve së bashku me DEZHT-në. Qëllimi i kësaj thirrje publike ishte përkrahja financiare për përpunuesit e pemëve dhe perimeve, që bëjnë përgatitjen, ruajtjen dhe konservimin e tyre, duke nxjerrë nënproduktet si: turshitë, ajvari, reçeli etj. Po ashtu është publikuar edhe lista e përfituesve të subvencioneve.



Mekanizëm Bujqësor

- Edhe në gjashtëmujorin e dytë kemi publikuar lista të fermerëve përfitues të mekanizmave bujqësor. Janë nënshkruar kontratat me secilin fermer dhe është kryer edhe pjesa e participimit prej 20%, dhe është bërë shpërndarja e mekanizmave. Po ashtu fermerët që kanë aplikuar dhe nuk kanë qenë përfitues kanë patur të drejtë për ankesë dhe janë shqyrtuar ankesat nga komisionet.
- Në tabelën e mëposhtme janë të dhënat më të sakta, pra data e shpërndarjes si dhe numri i mekanizmave.

Data e shpërndarjes	Përshkrimi i mekanizmit përfitues	Numri i fermerëve
08.07.2022	Spërkatëse 500L	54
	Mbjellëse misri	3
	Motokultivator me frezë	25
09.08.2022	Motokultivator me frezë	27
	Roto Kosa	9
	Grabuja me traka me kardan	1
	Spërkatëse 500 L	3
09.09.2022	Motokultivator	6
	Rrotokosa	7
20.09.2022	Freza 1.6 m	12
	Freza 1.8m	56
	Mulqere për Hardhi	8
Gjithësej		211



HardhFest 2022

Gjatë muajit korrik poashtu është përgatit dhe është hapur thirrja për OJQ-te që të aplikojnë rreth organizimit të “Festës së vjeljes së rrushit 7 shtatori – Hardhfest”. Duke u bazuar në rregulloren në fuqi, thirrja ka qenë e hapur 15 ditë, deri më datë 23 korrik. Pas përfundimit të thirrjes komisioni i formuar me vendim të kryetarit ka bërë përzgjedhjen e OJQ-së fituese me të cilën kemi bashkëpunuar ngusht rreth organizimit të fesës së vjeljes së rrushit – Hardhfest.

Hardhfest është mbajtur në datat 2,3,4 shtator, ku janë zhvilluar aktivitete të llojeve të ndryshme.



Dëmet nga fatkeqësitë natyrore

Në fund të muajit gusht për shkak të kushteve të këqija atmosferike, pra kryesisht breshërit, në vendbanimet Ujz, Fshej, Gexhe, Malësi e Vogël fermerët e komunës sonë kanë pësuar dëme në prodhimet bujqësore. Është formuar komisioni për vlerësimin e dëmeve në bujqësi sipas kërkesës me nr. Të Prot. 2925 të datës 26.08.22. Anëtarët e komisionit kanë dalur në terren për të verifikuar dhe vlerësuar dëmet që u janë shkaktuar bujqëve. Dhe në fund është hartuar raporti për dëmet e shkaktuara.

Komisioni ka hartuar raportin për vlerësimin e dëmeve dhe sipas raportit të përgatitur shuma e dëmeve të shkaktuara nga breshëri është **261,584.82 €**.

Në mesin e muajit shtator, për shkak të kushteve jo të mira atmosferike, pra kryesisht shiut dhe vërshimeve me datë 17.09.22, i cili ka shkaktuar dëme në prodhimet bujqësore, kryesisht në specat, edhe në prodhimet tjera si lakra, kunguj, misër etj. janë formuar tre komisione të datës 19.09.2022 me numrat e protokollit: 2717, 2718, 2719 për vlerësimin e dëmeve në bujqësi, për të verifikuar dhe vlerësuar dëmet që u janë shkaktuar bujqëve.

Anëtarët e këtyre komisioneve janë angazhuar në afat rekord për hartimin e një raporti profesional ku së bashku me kërkesën i'u kemi drejtuar Qeverisë së Republikës së Kosovës për kompensim të këtyre dëmeve.

Nga të dhënat e grumbulluara, të analizuara dhe të përlogaritura del se vlera totale e dëmeve është **1 milion e 735 mijë euro**.

Vlera totale e dëmeve të fermerëve të komunës së Rahovecit gjatë vitit 2022 është **mbi 2 milion euro**.





Foto të dëmeve të produkteve bujqësore nga vërshimet

Depo Bujqësore

Në datën 04.11.2022 është vendos gurthemeli i ndërtimit të Qendrës për Magazinimin dhe Ruajtjen e Prodhimeve Bujqësore (DEPOSË BUJQËSORE), me kushte dhe standarde bashkëkohore e që do të ketë 7 njësi (7 dhoma ftohëse) ku 3 prej tyre do të jenë edhe për ngrirje të thellë dhe energjia për to do të sigurohet edhe nga panelet diellore. Padyshim se kjo do t'u shërbejë bujqve tanë që t'i ruajnë të freskëta prodhimet e tyre për një periudhë të caktuar.


Ky është projekti i parë i kësaj natyre dhe besojmë që do të jetë shumë i dobishëm për fermerët e komunës sonë.



Foto të planit të projektit dhe vendosjes së gurëthemelit të Depos Bujqësore

Vizitat në Ferma

Vizitat në terren kanë filluar nga veterinari dhe zyrtarët e DBPZHR-së, janë vizituar fermat në fshatra të ndryshme, vizitat janë duke vazhduar dhe do të vazhdojnë deri sa të kontrollohen të gjitha fermat e regjistruara.




Projektet Kapitale

Rregullimi dhe mirëmbajtja e rrugëve fushore

Në projektin për rregullimin dhe mirëmbajtjen e rrugëve fushore, janë zhvilluar punimet në LOT 2 në vendbanimet Kramovik, Dobidol dhe Çifllak, Polluzhë, Gur i Kuq

Në Lot 4 kemi intervenuar në disa pozicione nëpër vendbanime të komunës sonë, ndërsa Lot 1 dhe Lot 3 nuk janë zhvilluar punime.



Kanalet e kullimit të tokave bujqësore

OE që kanë kontratë me komunën e Rahovecit për projektin “Kanalet e Kullimit të Tokave Bujqësore” janë rikthyer në punishte duke zbatuar kontratën. Punimet janë zhvilluar në segmentin: Shtavica-Fortesë, segmentin në fshatin Çifllak, dhe segmenti në mes të fshatrave Fortesë – Celinë.



Punët e planifikuara dhe të realizuara në gjashtëmujorin e dytë

Plani i punës 2022	Punët e realizuara
Formimi i shtabit për korrje-shirje 2022	Është formuar shtabi për korrje-shirje në korrik të 2022. Ky komision kishte për detyrë të përcjell procesin e korrje-shirjeve, koordinimin me pronarët e autokombajnave, si dhe raportimin në baza javore mbi ecurinë e kësaj fushate.
Thirrja për aplikim për subvencione për qumësht/litër sipas kategorive të cilësisë për gjashtëmujorin e parë 2022	Thirrja për aplikim ka qenë e hapur nga: 20 korrik deri më 19 gusht 2022. Fermer aplikuesgjithësej janë 91, me rreth 2,149,382 litra qumësht dhe viça gjithsej 362 krerë.
Mbështetje e OJQ-ve rreth organizimit dhe mbarvajtjes së festave me karakter bujqësor	Gjatë muajit korrik është hapur thirrja për OJQ-te që të aplikojnë rreth organizimit të “Festës së vjeljes së rrushit 7 shtatori – Hardhfest”. Duke u bazuar në rregulloren në fuqi, thirrja ka qenë e hapur 15 ditë, deri më datë 23 korrik. Pas përfundimit të thirrjes komisioni i formuar me vendim të kryetarit ka bërë përzgjedhjen e OJQ-së fituese me të cilën kemi bashkëpunuar ngusht rreth organizimit të fesës së vjeljes së rrushit – Hardhfest
Funksionalizimin e tregut të rrushit	Janë duke u zhvilluar punimet në funksionalizimin e tregut të rrushit, është edhe faza përfundimtare në të cilën do të punohet.
Publikim të listave dhe shpërndarje të mekanizmave bujqësor	Në korrik është publikuar lista e përfituesve të mekanizmit bujqësor – Motokultivator me frez 7.5 kw si dhe shpërndarja e tyre. Edhe gjatë muajit gusht ka pasur shpërndarje të mekanizmave të ndryshëm, e po ashtu edhe gjatë muajit shtator.
Përcjellja e projekteve kapitale si: rregullimi i rrugeve fushore, ndërtimi i kanaleve të kullimit dhe drenazhimit të tokave bujqësore,	Gjatë gjithë kohës së gjashtëmujorit të dytë, është bërë përcjellja e projekteve kapitale si: rregullimi i rrugëve fushor ku janë zhvilluar punimet në LOT 2 në vendbanimet Kramovik, Dobidol dhe Çifllak, Polluzhë, Gur i Kuq, ndërtimi i kanaleve të kullimit ku punimet janë zhvilluar në segmentin: Shtavica-Fortesë, segmentin në fshatin Çifllak, dhe segmenti në mes të fshatrave Fortesë – Celinë.
Shpallja e ankandit publik për dhënie të tokave bujqësore komunale me qera.	Janë realizuar pagesat për qiratë e tokave bujqësore të cilët fermerët kanë lidhur kontratë me komunën e Rahovecit ndërkohë shpallja e ankandit pritet të realizohet në vitin 2023.

Tabela e mekanizmave të planifikuar për shpërndarje dhe realizimi i shpërndarjes për vitin 2022

Përshkrimi i mekanizmit	Planifikimi	Realizimi	Përqindja e realizimit
Motokultivator	400	317	79.25
Motokultivator me frezë	50	52	104.00
Mbjellëse e misrit pneumatike	10	13	130.00
Pllug 775	50	7	14.00
Spërkatëse 500L	150	57	38.00
Centrifugë për mjaltë	30	22	73.33
Shkrirëse dylli me avull	20	16	80.00
Rrotokosa 135	20	16	80.00
Freza 1.6m	25	12	48.00
Freza 1.8 m	100	56	56.00
Mulqere për Hardhi	50	8	16.00
Grabuja me traka me kardan 2.0m	20	1	5.00

Përfundim

Ky raport vjetor, paraqet punën që është kryer dhe aktivitet kryesorë që janë zhvilluar në periudhën janar-dhjetor 2022.

Aktivitet që zhvillohen gjatë vitit, planifikohen më parë dhe pastaj realizohen. Gjatë vitit 2022 ne jemi munduar ti realizojmë punët e planifikuara ku edhe i kemi paraqitur në tabelat më lartë të ndara në dy periudha (për gjashtëmujorin e parë dhe gjashtëmujorin e dytë).

Kontakti me fermerët e komunës sonë nuk ka munguar gjatë këtij viti, jemi përgjigjur në çdo kërkesë, nevojë dhe interes të tyre.

Zyrtarët e DBPZHR-së vazhdimisht janë në shërbim të fermerëve, duke i vizituar dhe duke iu ofruar këshilla të nevojshme, po ashtu në çdo fatkeqësi natyrore komisionet janë formuar dhe kanë qenë në terren për të vlerësuar dëmet që fermerëve iu janë shkaktuar.

5 janar 2023

Rahovec

